

SOFONIAS

(Chofonía)

Tupana rü Yudáanecüãxgüxü tá napoxcue

1 ¹Rü nhaa nixĩ ga ore ga Cori ya Tupana Chofoníamaxã nüxü ixuxü ga yexguma Yochía ga Amóu nane ãëxgacü ixĩxgu ga Yudáanewa. Rü nüma ga Chofonía rü Cúsi nane nixĩ, rü Cúsi rü Yedaría nane nixĩ, rü Yedaría rü Amaría nane nixĩ, rü Amaría rü Echequía nane nixĩ. ²Rü ngêma norü ore i Cori ya Tupana rü nhanagürü: “Noxtacüma tá ichayanaxoxëxë i guxüma i taxacü i nhama i naanewa ngëxmagüxü. ³Rü tá ichayanaxoxëxë i duüxügü, rü naexügü, rü ngëxgumarüxü tá ta i werigü, rü choxnigü. Rü tá naxçax íchayagoõchi i ngêma chixexüarü üruügü, rü tá chanadai. Rü tá ichayanaxoxëxë i guxüma i duüxügü i nhama i naanewa rü taxuxütáma ínayaxü.” Rü ngêma nixĩ i nüxü yaxuxü ya Cori ya Tupana. ⁴Rü nüma ya Cori ya Tupana rü nhanagürü ta: “Yudáanecüãxétü tá poxcumaxã chawéxmex. Rü ngëxgumarüxü tá ta poxcumaxã naétü chawéxmex i guxüma i duüxügü i Yerucharéüwa maxëxü. Rü

tá ichayanaxoxëxë i ngêma tupananeta i Baáchicünaxã namaxã i norü tupaucagü rü norü chacherdótegü. Rü ngêmaãcü rü woo i naégagü i ngêma chacherdótegü rü taxúetáma nüxna tacuaxãchi. ⁵Rü tá chanadai i ngêma duüxügü i norü íarü dauxnagu ígüxü nax nüxü yacuaxüügüxüçax ya üaxcü rü tauemacü rü woramacurigü. Rü ngëxgumarüxü tá ta chanadai i ngêma chauégagu norü tupananeta i Micóüxü icuaxüügüxü. ⁶Rü ngëxgumarüxü tá ta ichayanaxoxëxë i ngêma duüxügü i choxna ixígachixü, rü tama çauxçax daugüxü rü tama choxna cagüexü ega taxacü nanaxwaxegügu”, nhanagürü. ⁷₁Rü Cori ya Tupanapexewa perüchiane! Erü ngêma norü ngunexü i ãñcümãxü i nagu tá tüxü napoxcuexü rü marü ningaica. Rü nüma rü ínanamexëxë nax nadaiaxüçax i ngêma nüxna ixígachitanüxü. Rü nüma rü marü nüxna naxu i ngêma tá nadaixü. ⁸Rü nüma ya Cori ya Tupana rü nhanagürü: “Ngêma ngunexü i nagu tá nadaiaxü i ngêma duüxügü rü tá chanapoxcue i ngêma Yudáanearü ãëxgacügü rü ngêma ãëxgacügü nanegü rü guxüma i

ngêma chorü duïxügü i to i
nachixüanearü tupanenetaxü
icuaxüüügüxü.

.....

¹²Rü ngêma ngunexügu rü omümaxã
guxüwama i Yerucharéüwa tá mea
naxçax chadau i ngêma duïxügü i
chixexü ügüxü. Rü tá chanapoxcue i
ngêma duïxügü i nhama wíu ya
íchaxchixümarecürüxü ixígüxü. Rü
nümagü rü inarüchomare rü taxuguma
narüxinüe rü nügümaxátama
nhanagürü: ‘Nüma ya Cori ya Tupana
rü taxuxütáma i mexü rüçxna chixexü
tamaxã naxü’, nhanagürü”,
nhanagürü ya Tupana.

.....

2 ¹Rü pengutaquexegüx, Pa
Duïxügü i Tama Æneexü
Cuaxgüxüx, rü Tupanaçax pedaugü!
²Rü nüxü perüxoe i ngêma chixexü i
Tupanapexewa pexügüxü! ¡Rü naga
pexínüe nhama rü ta nangema i
ngunexü naxüpa nax pexü ínawogüxü
nhama maxêchapaxa buanecü ngexta
cuexürüxü, rü naxüpa nax nawa
nanguxü i ngêma ngunexü i äücümaxü i
norü numaxã nagu pexü napoxcuexü!
³Rü ngêmacax name nixí i naxçax
pedaugü, Pa Guxãma i Aixcuma
Napexewa Mecümagüxe rü Naga
Ínüexex. ¡Rü mea napexewa pemaxê!
Rü bexmana ngêmaäcü nüma tá pexü
ínapoxü i ngêma ngunexü i nagu poxcu
ínguxgu.

.....

⁸⁻⁹Rü nüma ya Cori ya Iraéutanüüarü
Tupana ya guxãétüwa ngêxmacü rü
nhanagürü: “Marü nüxü chaxínü nax
nhuxãcü ngêma Moábitanüxügü rü

Amóütanüxügü chorü duïxügüchiga
chixri yadexagüxü. Erü nümagü rü
chorü duïxügümaxã naguchigagü rü
tümaarü naanegu nachocu. Rü
ngêmacax i chama rü chauégagutama
nüxü chixu rü tá chayanaxoxêxê i
ngêma Moábitanüxügü rü
Amóütanüxügü guma íanegü ga
Chodómarüxü rü Gomórarüxü. Rü
ngêma norü naane rü tá chuxchüñecü
chayanguxuchixêxê. Rü tá nayücüraane
rü taxuxütáma i taxacürü nanetü nawa
narüxü, rü guxügütáma
nachipétüanemare. Rü ngêma chorü
duïxügü i to i nachixüanewa gagüxüwa
íyaxügüxü rü tá nanayaugü i ngêma
Moábitanüxügü rü Amóütanüxügüarü
naanegü rü noxrü tá nixí.”

.....

**Ngêma duïxügü i Yerucharéüwa
yaxügüxü rü tá Tupanaaxü
nayaxögü**

3 ¹²Rü nüma ya Cori ya Tupana rü
nhanagürü: “Pa Yerucharéüx, cuwa
tá chayaxügüxêxê i duïxügü i
mecümaxü i chauga ínüexü. Rü nümagü
rü tá chagu nayaxögü. ¹³Rü ngêma
Iraéutanüxügü i Yerucharéüwa
yaxügüxü rü taxütáma chixri
natanüxügümaxã inacuax, rü taxütáma
doraxü nixugüe rü tagütáma texéxü
nawomüxêgü. Rü mea tá ínachibüe, rü
tama namuüeäcüma tá inarüngügü”,
nhanagürü.

**Tupana rü tá nanataãxêxêxê i
Yerucharéücüaxgü**

¹⁴¡Rü pewiyaegü, Pa Duïxügü i
Chíäücüãx! ¡Rü taãxêcü picagüxü, Pa

Iraéuanecüãxgüx! ;Rü petaãxê, Pa Yerucharéücüãxgüx, rü guxûnema ya perü maxûnemaxã petaãxêgü! ¹⁵Erü nüma ya Cori ya Tupana rü marü ínayachaxáchi nawa i ngêma poxcu i pemaxã naxueguxû rü marü ínanawoxû i ngêma perü uanügu. Rü nüma ya Cori ya Tupana ya perü ãêxgacü rü petanüwa nangexma, rü ngêmacax marü taxucaxma pemuüe. ¹⁶Rü ngêma ngunexûgu rü duûxûgü rü Yerucharéücüãxmaxã tá nüxû nixu rü nhanagürügü tá: “;Petaãxêgü, Pa Chiáücüãxgüx, rü tauxû i muûmaxã piduxruexû! ;Rü tauxû i pegü peturaexêxû! ¹⁷Erü nüma ya Cori ya perü Tupana ixïcü, rü petanüwa nangexma, rü nüma rü poracü nixî, rü pexû tá namaxêxêxê. Rü nüma ya Cori

ya Tupana rü tá pemaxã nataãxê. Rü ngêma pexû nax nangechaûxûgagu rü ngexwacaxûxû i maxû tá pexna naxã. Rü ngêma nax pemaxã nataãxêxû rü norü taãxêmaxã tá nawiyaê”, nhanagürügü tá.

.....

²⁰Rü nüma ya Cori ya Tupana rü nhanagürü pexû: “Rü ngêma ngunexûgügu rü pechixûanegu tá pexû chanutaquexêxê. Rü ngêma perü naanewa rü tá pexû charüngûxêê nax wena mea pexû nangupetûxûcax. Rü ngêmaãcü tá petachiga napexewa i guxûma i duûxûgü i nhama i naanewa ngêxmagüxû. Rü chama ya Cori ya Tupana nixî i nüxû chixuxû i ngêma”, nhanagürü pexû.

.....